



## 騎鐵馬二三事

選項一個接一個，選擇(cedˋ)斯擺在面頭前，任你選，在你擇，多樣个選擇(togˋ)擇，係生趣个。一個細細个決定會影響著續落來个人生，一環落(labˋ)一環，各人面對个選項無相同，做出个選擇也會無共款。選擇過後，該分人想望个結果，斯像變奇術該下，揷在烏布下个秘密共樣，係偲人胚想毋著个，乜因為分人揣毋著，人生正會精彩，正會恁錫人。

用騎鐵馬這項運動來比論，對天時个選項起勢，選擇斯續核來咧，比將講打早抑係打暗？行哪條路？踏遽遽界拚汗，或者定定賞光景？騎幾久？騎到哪回頭？這兜係浮在盡上層个基本選擇題，等到腳一踏，種種踎核來个選項斯罅分你無閒咧！

今晡日吾个第一、二個選擇係，臨暗時節、順核溝脣个細路騎。第三個選擇係，偲愛寬寬踏，順帶遶光景。看哪！田頭个溝水雖然毋係已清淨，毋過水草還係生都榮榮榮，兩隻白鶴在水竇尋食，吾鐵馬一騎偲，佢大翼拔啊拔，斯飛遠遠去咧！一上一落，寬寬拔翼，帶來悠閒个莊下景緻，波嫻濟借个水竇，難得个係還看得著魚陣，堅韌个生命，實在分人感動。這時節禾正割撇，阿啾箭、瓦雀、毋知名个紅嘴鳥……，在田肚、電線上背、田脣，飛來飛去、飛上飛落。遠遠該粒大火球，無燒度咧，吊在禾田个該頭，靚都分人想拐轉去園。騎上自行車道，兩片个大樹像遮，臨暗時節無作用咧，還係無推懶撐都高高高、大大大。

同人結善緣係第四個選擇。寮日人無多，行路運動个、牽狗、拐狗个、坐輪椅个、癱手跛腳行路復健个……偲使得選擇毋插入，頭磬磬做偲緊踏，毋過偲笑面同每一個人頷頭，賺著个乜係逐个人个開陽笑面，還過自家踏鐵馬个好心情。續核第五個選擇係心色个——騎到無人个所在，偲會挑戰自家个技術。路脣、路中央个白線十公分闊忒等，車輪愛準準行在白線項，無恁該！心肝肚若有輸贏个心態，羊頭抓縷縷歸身硬鉸，斯會越致斜走；若係歸身來放冗，目珠相核面前个白線，心肝肚單淨伸著一條線，恁泥斯包你一屑都毋會偏撇。對待人生个態度，道理敢毋係相同？這乜係偲个選擇。

加兩日，105 年个所有斯伸著回憶咧，人生還有已多个選擇，等待你去圓滿，過去毋管係好个、壞个，放畀去，好好把握過後个逐個選擇，相信若个人生乜會緊來緊精彩！

作者：劉玉蕉

### ☆詞彙學習☆

- |  |                                   |
|--|-----------------------------------|
| 【任…，在…】rhimˋ…，caiˋ…：「任、在」都是「聽由、任憑」的意思。 | 【波嫻濟借】po+ maˋ ziˋ ziaˋ：水面泡沫很多的樣子。 |
| 【續落來】suaˋ logˋ loiˋ：接下來。               | 【推懶】toi+ nan+：推諉偷懶。               |
| 【變奇術】bienˋ kiˋ sudˋ：變魔術。               | 【毋插入】mˋ cabˋ nginˋ：不搭理人。          |
| 【拚汗】biangˋ honˋ：大量出汗。                  | 【忒等】tedˋ nenˋ：而已。                 |
| 【順帶】shunˋ daiˋ：順便。也可說「順續」。             | 【羊頭】rhongˋ teuˋ：腳踏車把手。            |
| 【拔啊拔】badˋ a+ badˋ：緩慢揮動翅膀的樣子。           | 【放冗】biongˋ ngiungˋ：放鬆。            |
|  | 【相核】siongˋ hedˋ：盯緊。               |